

महावीरगणधरकल्पः ।

७५

३९. श्रीमहावीरगणधरकल्पः ।

सिरिबीरस्स गणहरे इक्कारस जच्चमाहणे नमिउं । तेसिं चिअ कप्पलवं भणामि समयणुसारेण ॥ १ ॥

नामं ठाणं जणया जणणीउ जम्मैरिक्ख-गुत्ताइं । गिहिपरिआउ संसय-वयदिण^१-पुं-देसं-कालं य ॥ २ ॥

वयपरिवारो छउमंत्थ-केवलित्तैसुं वरिससंखा य । ह्वं लंकीं आउं सिवैठाण त्तुं त्ति दाराइं ॥ ३ ॥

१. तत्थ गणहराण नामाइं-१ इंदभूई, २ अग्गिभूई, ३ वाउभूई, ४ विउत्तो, ५ सुधम्मसामी, ६ मंडिओ, ७ मोरिअपुत्तो, ८ अकंपिओ, ९ अचलभाया, १० मेअज्जो, ११ पभासो य ।

२. इंदभूइप्पमुहा तिन्नि सहोअरा मगहदेसे गोब्बरगामे उप्पन्ना । विअत्तो सुहम्मो य दो वि कोल्लाग-सनिवेसे । मंडिओ मोरिअपुत्तो अ दो वि मोरिअसनिवेसे । अकंपिओ मिहिलाए । अयलभाया कोसलाए । मेअज्जो वच्छदेसे तुंगिअसनिवेसे । पभासो रायगिहे ।

३. जणओ तिण्हं सोअराणं वसुभूई । विअत्तस्स धणमित्तो । अज्जसुहम्मस्स धम्मिलो । मंडिअस्स 10 धणदेवो । मोरिअपुत्तस्स मोरिओ । अकंपिअस्स देवो । अयलभाउणो वसू^३ । मेअज्जस दत्तो । पभासस्स बलो^४ ।

४. जणणी तिण्हं भाउआणं पुहवी । विअत्तस्स वीरुणी । सुहम्मस्स भद्विला । मंडिअस्स विजय-देवा^५ । मोरिअपुत्तस्स सा चैव । जओ धणदेवे परलोअं गए मोरिएण सा संगहिआ; अविरोहो अ तंमि देसे । अकंपिअस्स जयंती । अयलभाउणो नंदा । मेअज्जस्स वरुणदेवा । पभासस्स अइभइत्ति । 15

५. नक्खत्तं-इंदभूइणो जिट्ठा, अग्गिभूइणो कित्तिआ, वाउभूइणो साई, विअत्तस्स सवणो, सुहम्मसामिणो उत्तरफगुणीओ, मंडिअस्स महाओ, मोरिअपुत्तस्स मिगसिरं, अकंपिअस्स उत्तरासाढा, अयलभाउणो मिगसिरं, मेअज्जस्स अस्सिणी, पभासस्स पूसु त्ति ।

६. तिण्णि भाउणो गोअमगुत्ता, विअत्तो भारहायसगुत्तो, सुहम्मो अग्गिवेसायणसगुत्तो, मंडिओ वासिट्ठसगुत्तो, मोरिअपुत्तो कासवगुत्तो, अकंपिओ गोअमसगुत्तो, अयलभाया हारिअसगुत्तो, मेअज्जो पभासो 20 अ कोडिण्णसगुत्तु त्ति ।

७. गिहत्थपरिआओ-इंदभूइणो पंचासं वासाइं, अग्गिभूइस्स छायालीसं^६, वाउभूइस्स बायालीसं, वियत्तस्स पन्नासं, सुहम्मसामिस्स वि पन्नासं, मंडियस्स तेवण्णा, मोरियपुत्तस्स पणसट्ठी, अकंपियस्स अडयालीसं, अयलभाउणो छायालीसं, मेअज्जस्स छत्तीसं, पभासस्स सोलस त्ति ।

८. संसओ-इंदभूइस्स जीवे । भगवया महावीरेणं छिन्नो । अग्गिभूइणो कम्मे । वाउभूइणो तज्जीव-तस्सरीरे । 25 विअत्तस्स पंचमहाभूएसु । सुहम्मसामिणो जो जारिसो इह भवे, परभवे वि सो तारिसो चैव त्ति । मंडिअस्स बंध-मुक्खेसु । मोरिअपुत्तस्स देवेसु । अकंपिअस्स नरएसु । अयलभाउणो पुन्न-पावेसु । मेअज्जस्स परलोए । पभासस्स निवाणे त्ति ।

९-१०-११-१२. दिक्खागहणमिक्कारसण्हं पि देवाणमागमणं दट्ठूण जण्णवाडयाओ उवट्ठियाणं वइसाहसुद्ध-इक्कारसीए, मज्झिमपावाए नयरीए, महसेणवणुज्जाणे, पुबण्हदेसकाले त्ति ।

१३. इंदभूइप्पमुहाणं पंचण्हं पंचसया खंडिआ सह निक्खंता । मंडिअ-मोरिअपुत्ताणं पत्तेअं सट्ठा तिन्नि सया । 30 अकंपिआईणं चउण्हं पत्तेअं तिन्नि सय त्ति ।

1 P संसयदिक्खा^० । 2 B C Pa रिद्धी । 3 P वसुदत्तो । 4 P बलिपिया । 5 P सोयराणं । 6 मंडियस्स मोरियपुत्तस्स विजयदेवा । 7 B C बायालीसं ।

७६

विविधतीर्थकल्पे

१४. छउमत्थपरिआओ—इंदभूइस्स तीसं वासाइं, अग्गिभूइस्स दुवालस, वाउभूइस्स दस, विअत्तस्स दुवालस, सुहम्मस्स बायालीसं, मंडिअ-मोरिअपुत्ताणं पत्तेअं चउइस्स, अकंपिअस्स नव, अयलभाउणो दुवालस, मेअज्जस्स दस, पभासस्स अट्ट ति ।

१५. केवलिविहारेणं—इंदभूइ दुवालसवासाइं विहरिओ । अग्गिभूइ सोलस, वाउभूइ विअत्तो अ पत्तेयं अट्टा-
5 रस, अज्जसुहम्मस्स अट्ट, मंडिअ-मोरिअपुत्ताणं पत्तेअं सोलस, अकंपिअस्स एगवीसं, अयलभाउणो चउइस्स, मेअज्जस्स पभासस्स य पत्तेयं सोलस ति ।

१७. इक्कारसण्ह वि वज्जरिसहनारायं संघयणं, समचउरंसं संठाणं, कणगप्पहो देहवण्णो । रूवसंपया पुण तेसिं एवं तित्थयराणं

‘सबसुरा जइ रूवं अंगुट्टपमाणयं विउब्विज्जा । जिणपायंगुट्टं पइ न सोहए तं जहिंगालो ॥’

10 ति वयणाओ अप्पडिरूवं रूवं¹ । तओ किंचूणं गणहराणं । तत्तो वि हीणं आहारगसरीरस्स । तत्तो वि अणुत्तर-सुराणं । तत्तो जहक्कमं नवमगेविज्जगपज्जवसाणदेवाणं हीणयरं । तत्तो वि कमेण अञ्जुआइसोहम्मंतदेवाणं हीणयरं । तत्तो वि भवणवईणं, तत्तो वि जोइसिआणं, तत्तो वि वंतरदेवाणं, तत्तो वि चक्कवट्टीणं हीणयरं । तत्तो वि अद्धचक्क-वट्टीणं, तत्तो वि बलदेवाणं हीणयरं । तत्तो वि सेसज्जाणं छट्टाणवडिअं । एवं विसिट्टं रूवं गणहराणं ।

सुअं पुण—अगारवासे चउइस्सविज्जाठाणाइं; सामण्णे पुण दुवालसंगं गणिपिडगं सबेसिं । जओ सबे वि दुवा-
15 लसंगप्पणेआरो ।

१७. लद्धीओ पुण—सबेसिं गणहराणं सब्बाओ वि हवंति । तं जहा—बुद्धिलद्धी अट्टारसविहा²—केवलनाणं, ओहिनाणं, मणपज्जवनाणं, बीअबुद्धी, कुट्टबुद्धी, पयाणुसारित्तं, संभिन्नसोइत्तं, दूरासायणं³सामत्थं, दूरफरिसणसामत्थं, दूरदरिसणसामत्थं, दूरगघाणसामत्थं, दूरसवणसामत्थं, दसपुबित्तं, चउदसपुबित्तं, अट्टंगमहानिमित्तकोसल्लं, पण्णासव-
णत्तं, पत्तेअबुद्धत्तं, वाइत्तं च ।

20 किरियाविसया लद्धी दुविहा—चारणत्तं, आगासगामित्तं च ।

वेउब्विअलद्धी अणेगविहा—अणिमा, महिमा, लघिमा, गरिमा, पत्ती, पकामित्तं, ईसित्तं, वसित्तं, अप्पडिघाओ, अंतद्धानं, कामरूवित्तमिच्चाइ ।

तवाइसयलद्धी सत्तविहा—उग्गतवत्तं, दित्तवत्तं, महातवत्तं, घोरतवत्तं, घोरपरक्कमत्तं, घोरबंभयारित्तं, अघोरगुणवंभयारित्तं च ।

25 बललद्धी तिविहा—मणोवलित्तं, वयणवलित्तं, कायवलित्तं ।

ओसहिलद्धी अट्टविहा—आमोसहिलद्धी, खेलोसहिलद्धी, जल्लोसहिलद्धी, मलोसहिलद्धी, विप्पोसहिलद्धी, सबो-सहिलद्धी, आसगअविसत्तं, दिट्ठिअविसत्तं ।

रसलद्धी छविहा—वयणविसत्तं, दिट्ठिविसत्तं, खीरासवित्तं, महुआसवित्तं, रुप्पिरासवित्तं, अमिआसवित्तं ।

खित्तलद्धी दुविहा पण्णत्ता—अक्खीणमहाणसत्तं, अक्खीणमहालयत्तं च ।

30

—एयाहिं लद्धीहिं संपन्ना सबे वि ।

१८. सब्बाउअं—इंदभूइस्स बाणउई संवच्छराइं । अग्गिभूइस्स चउहत्तरी, वाउभूइस्स सत्तरी, विअत्तस्स असीई, अज्जसुहम्मस्स सयं, मंडिअस्स तेआसीई, मोरिअपुत्तस्स पंचनउई, अकंपियस्स अट्टहत्तरी, अयलभाउणो बाहत्तरी⁴, मेअज्जस्स बासट्टी, पहासस्स चालीसं ति ।

1 Pa °रूपं रूपं । 2 D °विज्जा । 3 Pa C °सामण° । 4 Pa बाहुत्तरी ।

कोकावसतिपार्श्वनाथकल्पः ।

७७

१९-२०. निव्वाणं च सब्बेसिं पाओवगमणमासिअभत्तेण, रायगिहे नयरे, वेभारपवए संजायं ।
 पढम-पंचमवज्जा नवगणहरा जीवन्ते भयवंतम्मि वीरे मुक्खं पत्ता । इंदभूर्हे अज्जसुहम्मो अ तम्मि निव्वाणगए निव्वुअ त्ति ।
 गोअमसामिप्पभिई^१ गणपहुणो ^२पवयणंववणमहुणो । सुगहीअनामधेया महोदयं मज्झ उवार्णितु ॥ १ ॥
 जो गणहरकप्पमिणं पइपच्चूसं पढे पसन्नमणो । करयलमहिवसइ सया कल्लाणपरंपरा तस्स ॥ २ ॥
 जिणपहसूरिहि कओ गंह-वसु-सिंहि-कुं-मिअविक्रमसमासु । 5
 जिट्ठसिअपंचमिबुहे गणहरकप्पो चिरं जयइ ॥ ३ ॥

॥ इति श्रीमहावीरगणधरकल्पः ॥

॥ अं० ६८ ॥

1 P °पुसुहा । 2 D पवयणोववण°; P Pa पवयणं च वण° । 3 Pa °पाडय° । 4 P °देवेण । † एतन्दर्गता
 पङ्क्तिः पतिता P आदर्शे । 5 P अण्येय° । 6 B Pa C संजायो । 7 B Pa C °वसहीए । 8 P पएसो । 9 P C D
 °दाणइच्छणेण । 10 B तहिति । 11 Pa B C नास्ति 'चेइयं' । 12 B Pa आसाधर ।